

兩

浙

輜

軒

錄

兩浙輶軒錄卷十四目

徐元正 方縈如 方縈如 王霖 沈樹本

李宗潤 丁凝 孫晃龍 錢陳羣 陸奎勲

魯曾燧 馬維翰 商元柏 董德愈 王國陞

許惟權 伍炳日 李三才 吳承泰 錢之青

吳啓袞 胡奇佐 葉適 鄔子混 余賡

徐瀛翁 言然 史容世 劉餘 劉路昌

劉景忠 丁姓 吳振 章全人 劉蕭

魯士 孟軒 韓咸 魯國維 魯傳德

何文鼎 張統梁 徐之熾 范蘭 鄭惟騏

應振聲 陳槐 柳鉦 李方觀 包用光

黃一鳴 王業 項樹堂 華啓濂 梅占魁

吳 溶 徐志巖 紀 遠 朱丕猷 祝秉貞

林 鑛 陳 紀 李鳳池 郭彥博 朱承勳

谷 漢 陳必昌

兩浙輶軒錄卷十四

督學使者阮元訂

徐元正

字子貞號靜圃德清人倬子康熙己丑進士授翰林院編修歷官工部尚書著清嘯樓存草鶴坡存

草

口占送余體崖

十二峯頭余鍊師春城乞食拙言辭塵埃拂却同山去鶴背

新添一卷詩

方

如字文翰號朴山淳安人康熙丙戌

進士官豐潤知縣著集虛齋集

息亭詩話方朴山先生嘗作憶舊六首倣元遺山論詩

絕句其標格亦逼肖先生博聞強記自經史諸子百家

靡不淹貫有即應如傾河倒峽汨汨滔滔而於漢儒

箋注尤能指其訛舛嘗論給禘郊廟之制暢達精確具

有折衷與同社及門析疑問難能發前人所未發乾隆

初舉博學鴻詞辭不就職以經學薦亦不應年八十鐘

光巋然照耀兩浙先生儀表豐秀方頤廣額聲如洪鐘

昔人謂永叔耳白於面宜其得名與壽也嘗謂余言西

河檢討有古今體詩數十詩文若千篇皆未鐫行者吾

可斤焉千象

卷十四

徐元正

方

如

一

爲西河高弟子其言有以時余適有嶺南之役惺惺  
未有應及余由粵歸而先生已歸道山矣爲之悵然  
南野堂筆記淳安方朴山先生淹長經籍鉤貫百家不  
專以詩名世其書家信後句云貧家苦趣多男子樂府  
傷心病婦行又壬子元日云坐守庚申隣影隻重來  
甲子當生初於老境苦思中組織成吟轉饒風韻

得蔣三湘帆札

直似家書到歡持抵萬金七年生別夢千里故人心絳帳思

疇昔

曲阜顏師

青袍歎陸沉頭顱如我輩慙負寢門深

哭外舅寶名徐徵君暨外姑張太君

翁媼嗟雙逝秋冬祇半年因人成白首偕老及黃泉纖冷支  
機石鉏荒種秫田尙餘昏嫁累賴有子孫賢

寄弟

遠道嗟吾在全家仗爾餘貧應工學儉病宜書求雨茶  
堪攄方春筍作蔬一筐如可寄好問北來魚

寄內

塞草經春白邊沙攬月黃形容催我老辛苦共誰嘗屋似牽  
船住寓曹姓一舫亭身謀複壁藏閒愁千萬緒不敢寄歸航

書家信後

解設墮裘幾溫涼俎豆深慙畏蠱鄉涇陽多情供予不倦投筆便如書  
已達寄郵翻覺事多忘貧家苦趣多男子樂府傷心病婦行  
何事最牽魂夢在劬勞母氏倩扶將

壬子元日

爐燒楮楸榜桃符奈有窮愁歲不除坐守庚申憐影隻重來  
甲子當生初食餘骨醉輪囷蟹盤薦鱗鮮潑刺魚隨例一盃  
婪尾酒案頭拋捲讀殘書

布幔得句

兩浙輜軒錄卷十四

方榮如

縱尺布衣蛛網外  
援長繩縛鵲簷前  
那移巧辟三竿日  
偏仄剛宜一握天  
少女風生塵不動  
令君香定篆常圓  
儒酸更有回甘味  
襍被他時伴獨眠

方葵如

字安諸生葵如一字若芳號蕩帷淳

淳安縣志葵如工為詩錢唐吳徵君星叟先生於人慎  
詩可獨折簡為其詩入所撰驚喜集中康熙辛卯與兄  
文翰佐學使者張公論文於江南公熟視其  
賢行及所論著傾倒甚至以元方季方相目  
毛際可詩略序略曰讀若芳銜血吟始知伯陽已久捐  
館舍伯陽為吾澄詩人之冠近軒睦州詩派向未成書  
方虞風雅幾於中絕而幸得若芳為之傳人方氏家世  
績學昆弟自相師友今年秋其兄文暢以毛詩魁浙間  
而若芳因外艱故尚滯諸生且少年善病詩之得于病  
中十居二三十載蠶鹽間以參朮天之窮若芳者若此  
而詩因以益工

賣炭謠

歲云暮多朔風愁殺人  
賣炭翁食粟數升燒炭一斛賣炭一

斛未飽空腹亦知餬口四方難差勝飢來束手看炭值難增  
祝飛雪雪深又苦人踪滅閉門誰問價高低踏雪肩同徒泣  
血翁泣血兒號寒語兒勿圍爐忍此衣裳單雪消明日天逾  
冷炭在行裝好重整

戊子感秋

羞澀存空藥飄零感布衣未蒙知己顧只當遠遊歸遇合無  
成局文章竟昨非故園秋色裏好在舊漁磯

不競信南風過歸四壁空貧無裘可敝人歎瑟難工落葉秋  
山外柴門細雨中遺經究終始天下幾英雄

王

霖

字雨豐一字雨楓號弁山山陰人康熙乙酉舉人

紹興府志霖七歲能詩至老未嘗釋卷上自漢魏下逮  
明季諸家莫不洞悉其源流有叩之者分宗別派若懸  
河下也令南宮時勤慎清廉民歌其惠歸田後  
設教西林立詩集會以祀古詩人所聚皆名宿



越風奔山老人宗仰放翁恬吟密咏時見清標而卷

快之富亦復相似晚歲有集杜集陸等詩雕板行世

詞科掌錄山陰王霖閣學桐鄉吳公所薦試日與會稽

徐竺山聯席竺山不工為排律即用其詩為考官所糾

部議徐革職王補官日

罰俸一年今官南宮令

榕城詩話歐冶池環棘牆之外廣袤數畝居人占其利

露桃風柳照影弄姿王霖兄弟恒率予同作而霖句尤

工霖曰雨摧荷折有絲黏霖曰柳飄殘葉網蟲黏體物

瀏亮稱競爽焉上僧舍小亭吳興沈閣學誦視學八閩

次韻並刊榜嶺亦於亭中置榜予闕行雜錄亦有四篇

時會兩共韻亦於亭中置榜予闕行雜錄亦有四篇

同行者山陰王霖暨弟王霖嘉興凌大田霖句有怪石

閣人立罔兩巨崖奔浪舞天吳懸崖側足二分外穿徑

吳天一線中霖句有山似蠶叢關巴蜀水腰運有無下建

吳大田句有急灘分石齒水清淺雲斷山腰運有無下建

寧亦有淨急寺鐘聲出遠村句是郡人周某題余愛林

木竊窺有雲散鐘聲出遠村句是郡人周某題余愛林

其理致同人相約屬和霖云靜夜蒲半喧法界遙林

松火問漁村王霖云潛鱗依穴初加夜倦弱銜州亦識

村陸秩云近灘花石盤雙徑繞屋體

煙綠一村美詞秀句均能永寒於水

十月十七日放翁先生生日設位自訟齋奠以酒果賦

詩紀事

蛟鼉出沒浪滔天風雨長淮又謫仙

先生生於淮上舟中是日平旦大風雨駭人及

鹽地乃止見自記

孝宗嘗問周必大曰今詩人亦有如唐李白者乎必大以先生對

生及宣和無事

日死猶垂涕中興年千秋志業空相許萬首詩篇盡可傳小子生平最宗仰傾觴撫几一潸然

楊花

纔看飛雪楊花似又見楊花似雪飛總與白頭相映發可憐  
老眼只依稀亂隨行跡銷苔徑故傍吟身透薄幃念汝無情  
尚漂泊天涯羈宦幾時歸

望金山

乾坤放眼昔登臨坐閱東流赴海深千古江山風月我百年  
身世去來今波濤卷盡英雄恨檣櫓摧殘老病心輸與住庵

兩浙輶軒錄

卷十四

正余

四

元長老妙高臺上聽潮音

送沈確士歸吳

鄉夢連宵已入吳  
今晨歸興滿菰蒲  
水如鶯脰連天遠  
人似蛾眉絕代無  
倦客空餘長缺在  
輕裘不怕峭帆孤  
惟將卷裏芙蓉石  
載得扁舟過太湖

觀潮

一水中分割二州  
東西岸影對沈浮  
潮來天地皆如夢  
人與鳬鷺共一漚  
驚浪打迴羅剎石  
遠帆抹過富春洲  
朝生暮落成何事  
越客吳儂盡白頭

沈樹本

字厚餘號操堂晚號脩翁歸安人三曾子康熙

湖州府志沈樹本生平恬澹不趨聲利雅喜獎進後學

主安定講席造就頗衆所著有德木錄十卷唐宋六大家詩十二卷湖州詩撫一百八十卷

沈德潛曰學蘇詩者祇得其隨手徵引波瀾不窮其弊  
往往流於縱肆此獨於用意正大處求之卽質之元遺

山必無滄海

橫流之日  
定香亭筆談厚餘編修磨盤山詩寫物象形逼真坡老  
若吳興竹枝詞儂家自有樊川約判守春風十四年則  
詩人忠厚  
之意也

### 舫齋十四韻

檐牙就日開窗脚倚風拓一枝聊復爾半間殊不惡

舫齋俱古人心目得清幽經營省丹堊驅塵蠅拂輕鋤壁繭紙薄

形如黃篾舫護以青油幕錫名曰舫齋少覓燕居樂客來時

列坐興到雜諧詭瀲灩供盤餐酒足斟酌門外有羣羈馬

蹄間車鐸福戶杳無聞抱膝欣有託夜靜展圖書精神疑冥

冥悠然裴几橫自剔燈花落

### 磨盤山

兩浙輶馬錄卷十四

沈樹本

回頭不見入山處此身已似盤中住百千旋折眼生花三五  
迴環神失據纔思左往復右行正欲仰登先俯住坡平幸獲  
尋丈寬徑仄只畱分寸度鞭絲帽影蟻緣窗馬足車輪蛇繞  
樹尙嫌蝸殼更盤結比似羊腸增恐怖道如縛轉轆轤形人  
被線牽傀儡具乍陰乍陽日向背在前在後風來去山遠不  
踰二十里山高不越三千步從卯到酉歷未窮自壯至老防  
猶誤燕齊大賈有深愁并代健兒成却顧人間不省行路難  
請過磨盤山上路

贈吳江王載揚

唱徧楊枝又橘枝洞庭林屋有新詞誰知楓落吳江冷未是  
崔郎應卷詩

吳興竹枝詞

燈火筆琶亂暮煙水嬉齊上木蘭船儂家自有樊川約判守

春風十四年

碧浪湖頭碧浪深芙蓉塔影共浮沈妾如湖水郎如塔暮暮

朝朝總在心

李宗渭

字秦川號稔鄉嘉興人康熙癸巳順天舉人除永昌知府未仕卒著瓦街集

梅里詩舉人除永昌知府未仕卒著瓦街集  
學不倦又得師友之助著明格孫蒼梧道我郊子生平好  
九七言律不盈四十篇竹垞太史有言凡人詩集古風  
多者其詩必工開卷即七言律者其詩必下是可知稔  
鄉之詩矣

諸錦曰秦川贈燈功名詩則清剛  
俊逸其騰踔高妙處躡迹青蓮

南野堂筆記梅里李秦川太守宗渭山顏孫著瓦街集

二十卷其詩如雨歇云微雨歇西郊亂雲生北山江天

白鳥下明滅滄波間香草夜欲合美人春不還何為抱  
綠綺長歎獨朱顏過友人新居云結茅溪水邊上恰似釣

魚舟一面紙窗折蘋花香滿溪寄張木成云愁絕張公與  
子羈遲千里問風吹井陘口秋老華陽山贈酒客云與

君三百錢買斷春玻璃醉臥酒壚下醒來春鳥啼讀書  
云庭戶青青春深落花滿階除鳴鳥去已久幽人還讀書  
夏夜云董荷香含露氣清滿聲迢遞隔重城夢迴酒醒  
砌蛩語何處高樓無月明他句如聞雁云到處落黃葉  
高樓空月明郭外行云行人川上雨寒食杜陵花春日云  
庭樹烏聲歇主人春夢長立馬云艱難三尺羽慌慨十  
年心經州云山根落微雨樹抄有人家送人還京師云  
手摘太華月作歌還帝鄉山家云簷果落四五野禽  
飛一雙懷徐蓮西先生云遙憐蓬髮白如雪亂插菊花  
黃滿頭月蝕後見月云故人難後重相見寶鏡磨來倍  
有神

### 晚過臨平山

朝從西湖來衣上柳花碧舉櫂百里中兩頭見山色山光近  
復遠不覺日將夕水際上漁人煙中語山客明發下灘行遙  
遙徑微白

### 水月洞

投石山洞中水聲何冷然掉臂入明鏡人影空中懸朝曦入

古壁苔蝕石上鐫摩挲再三讀古文猶可傳偶坐已永日再  
來不知年豁然洞天末萬頃玻瓈田貞觀窮邱壑撥雲登山  
巔清音躡足下隨風上青天

柏鄉道中

前途杳難問驅車非我心執鞭策轅馬已過荒城陰歲儉晨  
炊歇村遠孤煙沈飛鳥兼落葉積水明疎林撫景旣已廻感  
物豈能任已愁飢寒日不知霜雪侵豈徒草廬士久廢邱中  
琴

涇州

午餘倦長途草色殊未歇驛程趣微風頗思憩林樾山光悅  
人多遠近賞倉卒飛雲度遙岑立馬俯城闕百泉不可尋涇  
流如一髮遙揖廻中山凌空猶恍惚仙人如待招於此弄明



月振履以隨之杳杳日西沒長歌歸去來處處鳴鸚鵡

淮陰侯

飯信誰淮陰母殺信誰漢宮后飯惜英雄殺忌才千古具眼  
此兩婦有賢不用斯亡身重瞳區區真婦人

自西興驛至蕭山

十里西興渡清波兩畔平林中下漁艇樹杪見山城買犢歸  
村遠籠鷺出水輕應畱待霜落楓葉四山明

樊川

司勳去已久零落野人家一夜杜陵雨滿村山杏花鬢絲天  
共老歸思客長嘆蹋草行吟徧樊川春日斜

送范士行歸吳門

邂逅論交日相逢是別離青雲歸客夢紅葉送行詩去住無

長策悲涼其此時清笳今夜動愁殺李壽期

丁

集

疑字琴山號靜者長興人爾俊子康熙癸巳舉人歷官禮部司務乾隆丙辰薦舉博學鴻詞著靜者詩

詞科率錄長興丁疑靜者癸巳孝廉國子監學正今陞禮部司務詹事覓羅吳公所薦靜者為沈宮贊三會女

夫故與竹溪諸沈酬倡最密

采若編靜者束修砥行沈教有器識先是在成均時與諸名士結文酒之會薦才積學名動公卿所著篇帙甚

富今多散佚

陳焯曰丁疑為工部主事爾俊子即廷校猶子也生而穎敏年十三作詩有老成風弱冠妻贊善沈公三會女

與竹溪諸沈酬唱詩載雙溪唱和集嘗客大宗伯吳公士玉十年益肆力於詩古文詞海內名噪

百名橋村舍夜宿

霜鐘不斷出招提矮屋長廊雪水西明月滿簾風乍起又牽

秋夢到前溪

西谿行

西谿水煖荷花多紅粧小隊舟如梭短簾不軸月出皎玉奴  
素靨生微渦嫣然一笑傍樽竿蘭澤香傳衣欲惹狂言驚座  
杜樊川濕盡青衫白司馬露華滿地記分襟落日橫塘許重  
綰燕去妓樓希故壘桐依僧院長新陰明眸皓齒看誰是寂  
寞荷花守紅死

京江舟次

路盡飛鳥外微茫一葉舟日斜江岸曉潮落海門秋山色南  
朝寺鐘聲北固樓寄奴城畔草隱隱入邊愁

天聖寺壁觀管夫人畫竹

洋州竹派遠莫傳何人復寫碧玉椽摻摻女手晚角出筆之  
所到生雲煙王孫肖馬萬驤裏仲姬狀竹千嬋娟洞房倡和

日多暇不惜點染窮幽妍城西蕭寺富遺蹟至今好事停輿  
輶升階入戶岌飛動碧淨如絹修叢連湘君山鬼呼欲出風  
篠屈曲垂龍纏一枝旁茁生氣足蹶然而起森戈鋌得之象  
外覩天巧渭濱嶰谷奔毫顛紛紛摹本竊形似枝葉則具神  
不全百年舊事知者幾鷗波亭圯成荒阡王孫冥漠仲姬死  
墨君不其滄桑遷

同曹諤庭登南匯城樓

層樓粉堞俯盤渦一瞰郊原足放歌殘雪盡消雙寺出夕陽  
最好片帆過名園綠水依梅市老樹孤村認鶴窠爲語故人  
休極目江雲海色奈愁何

碧桃詞

紅扉低鎖少人來一樹天桃傍砌栽儂似桃花郎似鎖兩邊

都要等時開

鮑西岡寄示罨畫溪消夏作次韻

千章灌木抱清流，碧嶼紅橋幾舊遊。  
小別遂招孤鶴怨，長吟終戀故山幽。  
花源盡就王摩詰，竹馬迎來郭細侯。  
茂苑清平村酒熟，明年我亦上歸舟。

小姑詞

我年二十未識蠶，小姑匿笑增我慙。  
我向小姑作蠶字問之，不肖慙亦似人生有慙安。  
可常飽食而嬉，悔乃長白日易過。  
成昏黃明朝相約，業莫荒。小姑讀書我求桑。

孫見龍

字叶飛號潛村晚號春齋歸安人在豐姪康熙癸巳會試第一授庶吉士洪洞知縣乾隆丙辰舉博

學鴻詞復薦充咸安

宮總裁著潛村詩稿

詞科掌錄歸安孫見龍叶飛少司空峴曉在豐弟子也與竹溪沈幼牧皆少宗伯嚴存庵我斯之婿康熙癸巳

會元庶常政令以事去總督奉天高公合兩江士試  
於白下題為時雨賦叶飛為第一又有紫薇花賦  
吳興詩話孫太史嗜飲先祖作止酒歌以勸終以作上  
官去任久主滇南五華書院費學士南英癸卯使滇感  
懷云五華山院鬱蒼蒼十五年中華化雨長冊府別開吳  
下版酒槽爭壓會稽香門牆已遍清雲彥教授猶仍白  
髮郎願我昔曾呼小  
友不辭凝咽問蠻荒

送邵百峯遊燕

舊別九衢裏新逢萬里天流光不相待華髮各蕭然乍見還  
分袂重來又隔年金臺餘故侶為話老雲煙

寒夜對友

客念生寒夜凄然到曲溝曲靖一月同千里色人有百年心

此夕空殘夢相思隔遠岑雞聲續曉柝感我意何深

錢陳羣

字主敬又字集齋號香樹又號柘南居士嘉興人  
康熙辛丑進士累官刑部侍郎加尚書銜贈太傅

謚文端著香樹齋  
文集詩集詩續集

沈德潛香樹齋詩集序略曰乾隆辛未歲少司寇錢

先生鏞香樹齋詩十入卷進呈

上覽集中夜紡授經圖題二斷句以

賜褒母德嘉子孝不止美詩格之高也先生於壬申秋匠疾

請假

天子賦詩餞送舟行山左中心戀

關用古人韻成詩以獻

賜之明良一德古今罕違到家開適諸所詠吟猶是林園養

荆寄興泉石與沃友生會合話桑麻課晴雨之作而隨

所感觸永懷

君恩時時流露於軟實舒文之表蓋由忠愛排擲原於性生

有不啻飢食渴飲之

不知其然而然者也

隨園詩話錢文端公少時鄉試落第其科主試者趙侍

郎也別號長眉公觀演小尼姑下山戲題云三寸黃冠

綰碧絲褒成十六女沙彌無情最是長眉佛訴盡春愁

總不知公為侍讀時出都泊濟寧立船頭為霜所滑

失足入水家人收以篙得不死笑謂賓客曰吾聞墮水

死者必有鬼物憑之倘昨夜遇李太白便把臂去矣明

日過李自樓題詩而去錢文端公庚午典江西北試寫

榜吏陳巨儒鬚鬢如雪求公贈詩云桂籍憑伊腕力傳白

手寫文武試三十二榜公贈詩云桂籍憑伊腕力傳白

頭從事地行仙自言作吏中書省曾侍朱衣四十年

南野堂筆記錢太傅香樹先生之父贈公某驪變於庭  
贈公上樓校書籍雅童侍側聞窗下漸瀝聲童於窗縫  
窺見其家蒼頭方持檀帽取麥滿而去復來取童潛  
以竊妻告贈公急搖手曰渠我家親我童狀所見并  
偶取以餉雞鴨耳何云竊也戒勿泄既而童狀所見并  
泄贈公語於蒼頭乃大感泣自陳其苦於贈公贈公復  
以好言慰之而去僕嘗問諸錢氏之世僕云然贈公居  
心如是其他忠厚積累必多人不及知而冥冥中有默  
佑之者矣後在閩中贈公寧明府句云忠厚傳三世清  
貧寄一官德門遺軌在童僕有餘歡意指此傳恐錢氏  
後人亦罕有知之者故詳述焉明府太傅孫范蠡載  
西施至今口實重誣賢者錢文端公語見鄉詩云醉里  
語兒細說傳至今茲句踐既返國嘗膽甘若飴事仇餌  
以色訪得西家施大夫受成命一往不復疑奈何中道  
止而竟三年稍周公乃大聖輒敢興謗詞放牛桃林日  
有詔賜如姬泥古不衷理何用考古爲此可洗浪擲紅  
顏之恨

錢仁榮曰文端公之母陳太夫人工畫自稱南樓老人  
文端幼時家中落贈公館於外太夫人紡績俱饋粥不  
足則鬻畫以繼朝夕集中  
自題夜紡受經圖是也

集金圃舍人新居同人步至法源寺看海棠作



下河車車金  
舍人移居百不顧  
摒擋茗椀爲家務  
已謀孺人出斗酒  
更課赤脚製寒具  
尋常下直便關門  
門前略掃看花路  
牆西古剎唐家碑  
獨往摩挲入九步  
上方海棠百年物  
冷艷孤芳託幽素  
未免多情亦吐花  
似紅還白姿仍嫵  
我昨力疾晨啓事  
歸來長須却在寓  
邀我看花意更真  
曰今不往日月除  
是時宿雨晚乍收  
卽呼款段衝泥去  
到門詞客三五輩  
欲行未行爲少住  
蹣跚攜手訪殘花  
花神應笑客何屢  
四十年前曾醉此  
碧雞定惠多成遇  
而今花老怕經春  
坐覺朱脣淡不語  
往者同遊無一存  
漢南婁絕將軍樹  
舍人不管客方愁  
手勸深杯索題句

送誠見還朝用益翁韻

人生別離自相踳  
擬之身影同非同  
偶然移步影卽換  
日有

升戾與方中作詩紀別費鐫鏤正如伶倫感鳳截取嶰谷筒  
我昔別母返

金闕忽啼忽笑如迷濛

雍正四年余奉太夫人南歸  
假滿還京正東風花時也

今朝見

爾還

朝去落帆亭外仍東風竚立不語但嗚咽親知勸我扶歸筇  
願爾速飛莫淹滯作爾自有天邊鴻報

主惟持一寸縷精勤到處神明通子舍遙瞻白雲白直廬正  
翻紅藥紅功名及早趁朝景膝前兒女催成翁

訪同年盧抱孫觀察於邢江官署

雪泥鴻爪任人猜宦味真同蔗味回最是揚州明月好二分

還照客重來

多情最是揚州月直送行人  
出塞垣抱孫舊作也

廣陵春水碧鱗鱗三月鶯花到眼新六十年中誰管領推官

都轉兩詩人

漁洋山人官司李時至今六十年王盧皆濟南郡人

真如寺有梅花房者予未弱冠時讀書其中又五十五

年過之寺僧無一相識悵然有作

舊時蘭若幾家存犬吠方知客到門竹外逢僧多不識龕中  
揖佛更無言寒蟲斷續傳秋籟衰柳高低記水痕一笑真成  
房次律幾回徙倚月黃昏

### 輓諸草廬宮贊

童子場中接履綯里人爭指兩於菟

予與草廬皆丙寅生

迴思七十年

前事白首如新淚已枯

姓氏瀛洲兩遍題冰銜垂老似山栖門人會哭論私諡一字

終推柳下妻

奧義高辭嬾典墳金泥玉檢任紛紜

聖朝不尙云亭事遺稿知無封禪文

敬題家慈夜紡授經圖

母兮兒飢終朝誦讀不可以爲粟母兮兒寒終夜呶呶不可  
以爲衣一秋夜長秋月白母曰嗟汝父行役兒不學我廢績  
廢績婦所羞不學人所惜紉之繹之永今夕誰予和鳴促織  
二促織鳴絡緯聲桁上衣手中絲手中絲盤中餐兒毋啼飢  
毋號寒爲誦孟子終七篇三昔孟有母恃兮實怙汝今不勤  
學我何見汝父他日父歸行見撻汝撻汝猶可毋棄先人緒  
譬厥紡千萬縷一失理紛莫數思之思之淚下如雨五兒跪  
膝下將母勿怒兒請卒業然後寢處奇文難字母訓母詒英  
聲華調是獵是咀母曰樂哉天實助子聖賢在上實聞兒語

解五

孫孝子詩

汾州屬縣有汾陽嗟哉孝子孫懋昌六歲失母何郎當父滯  
津水如秋蓬旋死於客遺路旁誰其瘞之鄉人張懋昌稍長  
痛父亡日夜啼哭走且僵走尋父骸跂而望枯骨遍地春草  
長仰不見天如瞽盲又歸叩泣鄉人張云有津民萬古蒼雨  
往詢之庶得詳千里徒步跣踏霜一步一跌一稽顙古蒼曰  
何容易談城西官地古北邙汝父昔瘞破廟東瘞時淺土覆  
滿篋今也水漫流浪痕瘞時近棺客車箱今也榛榛如瓜瓞  
我今行年六十強但見新墳狐兔房不見舊骨還共鄉懋昌  
一哭欲斷腸始識其處不易方時當王政舉瘞藏官於此者  
肅公令近前數者小者殤最後一棺骸骨完啗臂取血血交  
橫以血浸骨入不停日今見父吾得生朝辭津水歸太行於

乎皇天感其誠鬼神布濩曜晦冥作詩記事化下民實繩理

竿表里門

陸奎勳字聚繖號城星又號陸堂平湖人世楷第五

本朝名家詩鈔小傳曰陸奎勳為南雄太守考山公子內

閣學士雅坪公猶子也年十二能詩未弱冠以文字雄

吳越間嘉善匡山叔父贈句云礪水才華盛吾家太守

賢生兒年十二詞賦早翻翻卽集中間首第一章所云

碧天如練夜初涼者是也游京師與楊次也副使沈厚

餘榜眼柯南陔進士和

城南有浙西四子之目

沈德潛曰陸堂穿穴五經皆有述作今人中非大

春也詩獨風流明麗廣平賦不礙心似鐵而然

隨園詩話遊仙詩大半出於寄託陸陸堂太史云尋真

臺上紫雲高阿母宵分降節旄臣朔讀書破萬卷不甘

呵叱小兒曹此刺

妄庸人傲士者也

錢仁榮曰奎勳少好談兵又精六壬學及星家言繼而

學仙學佛年四十一乃一意經學諸經皆有述作學者

稱陸堂先生著有陸堂詩學易學今文尚書說春秋義

存錄載禮緒言魯詩補亡陸堂詩文集其

自序謂在長洲汪琬秀水朱彝尊之間

追褻分得船字

重三華負一觴綠趁此新晴上畫船  
藉草客來衫影碧湔裙人去浪花圓  
蝶如無夢空施粉玉自多情肯化煙  
合向春風開笑口柳絲長過十年前

鸚鵡湖踏春

迷離一望可憐春有客攜筇欲問津  
蘭渚煙深花脈脈柳塘風細水粼粼  
鷗飛自逐尋詩艇鸚語遙呼作賦人  
記取夕陽無限好醉來微岸紫綸巾

月華行

滌我澄泥硯拂我行波箋薰我鴛緜  
迷迭之爐煙走筆爲賦月華篇前歲  
寓邠上月傍雲氣加兒童懽喜走相  
報失笑不覺口呀呀此特暈珥豈月  
華生年十七歲在酉酉月幾望堂

午中九野無纖雲孤鏡磨青銅西南月角忽吐一端白層疊  
紅黃紫綠碧自天直下垂相去不知幾丈尺廿四道光一廻  
旋但見寶月不見天半空搖曳流蘇然爾時發狂叫聞者歎  
無緣豈負月娥老住月中央乘鸞妙舞飄霓裳抑或天孫嬾  
女恣遊戲雲錦倒推鴛機張神光結撰不可測其事希有理  
則常是年三孽剗盡四海寧見之額手稱

國禎小者爲我增聰明摘文倏若翻水成哦詩往往長老驚  
平生游覽具三快靈胥怒濤勢砰湃海門白濤玉一灣鷹窠  
峯頂合璧尤奇觀內月外日摩盪千百丸何仙九鯉湖水與  
山闔險雷轟耳欲聾珠簾劈面捲從來地獻靈遠不逮天工  
月華縱光怪老眼難再逢我詩力怯挽强弩枉向雷門持布  
鼓圓光聖手倩埃生烘染一圖足千古



萬壽寺銅鐘歌

廣源開西水竹叢梵刹金碧摩蒼穹就中一殿制宏敞梁施  
鐵纒懸華鐘厥重萬鈞徑丈二何年冶盡耶溪銅前代長陵  
始建國兵戈寧謐財力豐方袍少師特監造姚道衍恭靖小沈學  
士書法工沈華亭華嚴全卷八十一自表及裏填虛空金剛般  
若貫兩銑首楞嚴呪環旋融曩時雷鎮漢經廠長鳴侯爵蒙  
褒封後來移置萬壽寺土木窮極韶瑞馮樓頭日俾六僧擊  
山句以外聞春容咄哉嘉廟聽不聰委鬼竊柄台亂訛言  
白虎聲宜啞卧之朽壤榛菅中銷磨點點滴滴雨剝落調調

刁刁風

魯曾煜

字啓人號秋塍會稽人康熙辛丑進士改庶吉士著秋塍文鈔三州詩鈔

三州

詩鈔自序略曰三州者杭州汴州廣州也余自雍正庚戌暨乾隆丙辰居廣二年居汴六年居杭少汴一

年廣有纂志之役

汴杭則教授書院過津門停舟見訪贈余詩云我未江

蓮坡詩話魯啓人憫惻似三問新交却得蒼涼後舊事重

干擬卜居善舞寧憂客試鶴出遊惟有子

提魚短樂何日能相對風雨西窗夜讀書

知風秋腰先生晚年與予京邸論詩取合所著三州集

越風嚼微中時露變調用古頗少陶洗功今取其極諧

含宮嚙微中時露變調用古頗少陶洗功今取其極諧

暢者屈應之

真亭詩話余每歎近人作詩罕知六義者秋厓先生三

州集詩話余每歎近人作詩罕知六義者秋厓先生三

也集不寐云蟲語如人絮雞鳴若鳳難是

比而賦也庶常於此道殆三折肱矣

朱文藻曰魯曾燬所著秋厓文鈔十二卷三州詩鈔四

卷謹案

欽定四庫全書錄入存目其文一百二十一篇中多考證之

符二志凡例末論六十四篇易纂例八十篇又廣東祥

皆有錄無書

督河陳滄洲先生西視淮上河工不果東寄

河勢入南流諸湖據上游咽喉高堰急心腹兩淮憂使者徵

方略全書重歲修延年如獻策他日住扁舟

不寐

秋宵長太甚無策遣漫漫語如人絮雞鳴似鳳難窗虛風入慣亭敞月來寬所喜無封事還憑夜色闌

馬維翰

字默臨號墨麟又號侶仙海鹽人康熙辛丑進士由給事中官至常鎮道著墨麟詩集

辛丑

沈德潛曰墨麟意不肯庸語不肯弱莽莽蒼蒼縱筆揮霍雖未神來已梯峭險生平學杜可謂循牆而走

隨園詩話馬觀察貌不逾中人而抱負甚大登進士後

值內大臣看驗諸人皆跪公不可九門提督隆科多何

之公夷然不動隆轉笑曰不料公不可九門提督隆科多何

公曰區區一跪向未見維翰風骨也隆大夫奇之從科垣

掘四川建昌道忤總督某他揭部科被逮入都

登極授江西南常鎮道在都時余以後輩禮見家有三異

人之爾其二則向君廷楓萬君光泰也公南行漫興云

西方多說無生法但演刀山即下乘咏梅云雅值心知

原欲笑談無人賞亦

終問其心習可忍

災現頃談馬觀察詩宗杜韓懷古紀行尤多合作王景

畧慕云遭際卧龍同出處才情

蕪攬風流潮元閣云

樓上夜涼間大被水邊  
春盡散諸姨指語殊妙

湖上竹枝詞

放鶴亭空鶴不廻  
浙江潮上浪如雷  
郎休泰望山難望  
儂似飛來峯便來

邨居雜詩二首

邨北邨南連夜雨  
閉門新水沒魚磯  
櫻桃欲謝日初上  
楊柳作絲鶯亂飛  
事有盟心寒不得  
愁經切骨憺忘歸  
蕭然冰鏡閒相照  
如許頭顱耐白衣

嬾性何妨博高卧  
閒身何事付忘言  
來牛去馬量成谷  
短褐長鑊灌此園  
眇眇游絲飛白晝  
濛濛香雨濕黃昏  
寄聲辜負提壺鳥  
鎮日催沽不出邨

書朱六丈畱耕處壁

結廬東海濱釣竿插屋壁平生有微尚頗不愛岑寂攬衣日  
落山中來長歌白日松風哀顧盼魚龍海波裏日月盪漾樽  
桑閒豐山丈人豈高隱長日含毫蘸胡粉寫出溪山得意圖  
自酌紅螺進春醕山南穠穠連翠微稻黃九月紫螭肥腰鎌  
偶聽乳鴨叫植杖畱看天鷺飛柳陰小圃場新築清溪直瀉  
空亭綠短篷往往極頭船繫纜溪根叱黃犢秋風天濶吹浮  
雲野寺鐘聲到處聞過橋紅樹殘花合隱几青天別夢分丈  
人勉作溪山主我生甘與噲等伍杯水難容橫海鱗未把一  
犁鋤暮雨

侍霍庵先生飲錢孝廉蓮花莊同吳編修兄弟姚秀才  
白蘋紅蓼景依然此會風流更可傳雨過好山都入坐月明  
止水欲浮天圓樂几席間師弟子孫振應故皆斟酌壺觴中聖

賢最是拙簪先有約結鄰半頃種菱田

晚秋張比部舅招飲涉園

木葉秋深烏夜邨城南風景愛張園卷簾雲氣收秦駐抱閣  
潮聲落海門魚躍鏡中欣出網鶴飛天外薄乘軒退思前席  
持螯處真比泉明松菊存

杏花用昌黎詩韻

四天摩碧雲氣空杏園亂放蓬萊紅粉牆低亞暮煙濕融霞  
暈雪嬌春風憶隨計吏長安陌芬菲一色十里同馬蹄疾每  
笑東野看花乃伐酸寒功丈夫志趣會有寄不在仕進枯苑  
中惟有妍姿爛碎錦至今夢寐懷芳叢自從假歸跨驢背登  
山臨水穿丹楓家家爆竹忽改歲綉船罵鬼徒送窮連朝雨  
鬚黃蜂出生香活色朱闌東未用對花悵搖落人髮種種還

成翁

入春寒甚因寄家書漫成東朔占

春風來戶牖寒氣積鬚眉望遠煩清夢相思數後期書長旅  
雁覺宦冷敝裘知尚有吳員外時時借馬騎

金釵礪用杜詩劍門韻

羣山呈螺髻金釵最傑竪是石盡峻嶒走勢作南向煙光壁  
飛動繪畫不可狀一峯高一峯峯峯互依傍尋徑入空嵌峯  
巒險堪愴悲虛俯雲海鬱氣忽一放白日行青天誰暇計得  
喪千古磊砢人志定神自王取義生可舍當仁師不讓境過  
何險夷茫茫但青嶂因風寄萬里時正修家問不用增惆悵

商元柏

字華如號今素會稽人海子元極弟康

劉文蔚曰表兄商今素先生以子盤  
館選封翰林院編修累贈中憲大夫

長白山訪范文正公讀書處

范公幼孤時隨母變名姓讀書禮泉寺愛此林巒勝畫粥與  
斷齏善養虛靈性窮達同此操作相助名盛我於宋諸臣論  
史慕文正純儒建事功志以少年定太息滿簪金徒爲世人  
競

送確庵上人還山

南朝四百八十寺占盡名山萬重翠香爐峰下綠谿旁舊是  
神仙燒藥地上人卓錫雲霞中當門萬朵青芙蓉一瓢一笠  
入塵土時時夢憶東林鐘從來摩詰無文字落紙揮毫且游  
戲天女花飛不著身觀空早解三乘義鏡湖八月天氣涼鯉  
魚風起蘋花香山中未必勝此景勸師手掬玻璃光明年春  
晚花飛雪茶煙十里溪千折我亦閒如退院僧來就茅庵嘗



兩湖軒車錄卷十四  
笋蕨

寒食偕劉端赤思怙放舟至梅山寺謁梅尉遺像

梳翎衆雀報新晴  
小艇浮波抵葉輕  
濁酒澆殘原上塚  
垂楊綠過水邊城  
野人下瀟初耘草  
曉市吹簫正賣鶯  
清絕湖山宜吏隱  
獨教僊尉擅高名

春水

風蒲煙絮漾漣漪  
氣平添綠半規  
流出山中泉  
性改坐來天上畫  
舫移遙看岸曲  
無三里不識花開  
有幾枝  
偶其漁郎尋入去  
迎人雞犬出疎籬

留別安肅宰吳八師

訪舊還覩異政  
成人稱官長是書生  
三年宦味黃芽菜  
一夕籬筵白拾營  
老柳迎風猶作態  
涼蟬咽露漸無聲  
浣衣塘上

重回首記得看花竝馬行

董德愈

鄴人康熙癸巳順天舉人

秋柳

一望依依舊板橋如何風景漸蕭條月明楚岫銷金粉霞冷  
章臺倦舞腰記得綠陰曾繫馬那堪黃葉又鳴蜩無由折贈  
郵亭客腸斷西風碧玉簫

王國陞

字德載東陽人崇禎子康熙庚子舉人著學耨堂草

金華詩錄王國陞性純孝懼疎定省一上公車下  
第不復出母卒作述哀詩七章以志感慕父老年寢息  
與俱如影附  
形一時傳述  
盧植曰孝廉自天台歸遊覽既周體會心閒盡詠肯興  
馳神運思自謂與天台山僧若有夙契百年後亦會中  
人也卒時其隣人夢見有  
天台僧數百踵門來迎  
擬謝康樂遊山

山水洽隱淪邱園淡心迹攝衣眺岷嶽石壁歆復狹孤嶺媚  
山椒陁峴遙相接苔嶺旣攀峻飛泉復厲急荒蹊屢迴轉山  
嶠多逾疊探奇心不厭覽勝庶有獲南嚮嚮哀猿西陵鳴墮  
葉夕飈何颺颺經滑不可涉恨無同懷侶此心誰與愜

許惟權

字行中號素堂海寧副貢生官商州知州

### 和祝品高集飲間雲樓賞牡丹韻

穀雨連朝色更濃好留翠幙護春風採芝亭下花無數

商署採芝

亭牡丹品

佳而多那得移來伴老翁

伍炳日

字旦華於潛諸生涵芬次子著雲樵雜藁

### 幽居

紅鋪千里綠千里寫得風光別樣濃  
雲草有香猶辟蠹筆花何力敢居龍  
醉吟茅舍初三月詩在溪山第一峯  
久約不寒

惟燕子舊銜泥處又相逢

李三才

字兼之嘉興人著茹古閣集

秋柳

滿目蕭條原上村  
柔枝搖落不堪論  
月斜踈影巴陵道  
風急殘陽白下門  
舊繫青樓凝望眼  
更消旅館別離魂  
長堤不見濃陰合  
斜露遙山一抹痕

吳永泰

字讓三烏程人

山行柬周鍊師

蒼峯落日寒萬壑  
秋聲起日暮亂雲歸  
行人猶未已

錢之青

字鳳文烏程監生

送沈鶴峯東歸

故鄉無計返離思  
更堪侵以我羈愁意  
知君歸去心風帆天

兩浙輶軒錄

卷十四

青水村在大作之三里外

三

際遠江樹雨中深揮手晴川上浮雲起夕陰

吳啟袞

字峨雪歸安貢生考授州同著閩遊草

過江山訪潘禹巖廣文

顯圻

秋半西湖別嚴冬夜欵扉得官休道冷飽飯且忘歸首藉吾  
儒味琴檜此會稀那堪雞唱曙相對更依依

胡奇佐

字襄哉鄞人著振山且筆

袁鈞曰胡奇佐學詩於宗龍古  
道白飭然諾不欺年才三十卒

出郭

水遠孤邨迴山延夕照低酒帘村市北漁艇竹橋西歲稔餘  
禾黍時平罷鼓鞀行行人不見籬畔野雞啼

葉

適

字此君慈谿人

雨晴

曉霧空濛濕不飛春深湖上雨晴時欲將山水經行遍須著  
帆檣次第移此地百年才命酒吾曹今日可無詩等來舊業  
多相似處處梅花矮竹籬

鄔子澗

字靜涵一字克融奉  
化人著用晦堂稿

新歲書懷

萬事且從今歲起一尊聊奉老親開漫因俗禮閒來往悵却

前村幾樹梅

余 賡

字載公又字魯師號越  
山陰人著蕊珠集

黃山

久識黃山勝今纔到眼前歸雲知有洞載月不須船苔積硃  
砂石花深碧玉天成容何處訪凝望最高巔

徐瀛翁

字允成山陰監生官  
雲南知縣著萬里言

丁巳年下月

卷一

吳興黃湖翁佐

吳興黃湖翁佐

吳興黃湖翁佐

三

郭景儀萬里言序畧曰吾友允成由漢而粵不戒顯叢  
奚啻萬里平日評點杜詩句御字北往往為人持去政  
餘談或及少陵輒妮妮不可止今讀萬  
里言抒寫壯靈不事摹擬而省合自多

自彌勒至吟哈

偈側何偈側萬山天地塞王程在春早畏此朱明逼昨路偶  
坦夷侵晨發彌勒傍樹得蚤休山窗羅筆墨閒雞念前途黎  
明齊眾力盤跚出里門細路澀於棘須臾上崇岡汗喘頭而  
濕一坡下未終前者待登陟蹣跚步凌傾歛舉足愁僂踣百折  
下層崖目炫心悚仄俯視得茅屋怪匪居民飾營兵二三輩  
縛炬候傳檄裹飯貰釜器爛漫道旁食役夫與長官雜坐不  
敢飭羊腸繞江干蔚蔚如清漚亭午渡方舟濁流湍且激稅  
駕古戍中家乃無四壁樹柵爲隄防面面青山色負米數里  
外三倍固所識眾手攢一炊蒼茫日西昃片瓦藝松脂藉以

破昏黑吁嗟徐孺子懸榻不再得仍宿簾輿中希免臥埏埴  
跼踖分已定塵勞幸一息奈此白鳥何雷成鼓其翼竟夕曉  
不交漫漫夜何極月落宵始分鷄鳴天未晡又起促晨炊毋  
使前期賦

言

然字述子山陰人著尊問堂遺詩

越風翕為先賢大宗有學行工詩康熙辛卯江南學臣  
疏請賢裔宜予世襲倫叙當及翁翁慨然投狀謂先世  
以守越畱居久離墳墓請如前朝衢州孔洙讓公爵  
與在曲阜者例時論高之子世永字孝思能世其學

登姑蘇城樓

雉堞晴開倚碧空百花深處館娃宮美人歌舞流雲外相國  
祠堂落照中野燒烟荒迷遠樹寒江沙漲起長風多情獨有  
青青草引得牛羊一逕通

史容世

字少子山陰歲貢生

兩浙輜軒錄

卷十四

徐澂言然史容世

三



晚過靈佑宮祈雨壇

落日醺壇靜元都宜獨尋苔廊金匱匣柏寢翠蕭森風閃靈  
旗肅雲屯畫壁陰神官如欲下茲夕定爲霖

劉

餘

字則文號梅田山陰諸生者艷雪樓詩鈔

早發平原

一騎衝殘霧鷄聲唱遠村風翻新柳弱春入敝裘溫珠履人  
何在苔痕石尙存綵絲盈手握仍令繡平原

劉路昌

字遵巖山陰諸生著仙友齋詩鈔

渡錢塘

萬弩射潮東靈奇奔禹功倒流三折水橫使一帆風岸似長  
城固舟疑競渡雄含情望吳越興廢大江中

劉景忠

字藏香號愧翁山陰諸生著愧翁詩鈔

蟲言

唧唧復唧唧秋風來四壁男胡不學耕女胡不學織中夜起  
徬徨視褐不掩膝季路無忤求原憲豈憂慙奈何北門子入  
室多交謫

遮了急遮了今年風雪早頽垣有塗泥荒田有枯草及時不  
綢繆漏濕牀頭襖起坐倚南窗唧唧望天曉天曉不可待襖  
濕不肯燥

圭峯

圭峯玉立望中危瀑布分飛左右垂坐愛綠屏風景好石田  
圖畫白沙詩

丁

姓字息園山陰太學生著泊如軒詩集

病中

藥爐茶竈結清緣  
賺得閒身整日眠  
不忍家人知客病  
裁書只說健於前

吳

振字於寧號八師會稽人官安肅知縣著半菴堂詩鈔

山行

未到吾廬已見山  
如逢故友喜開顏  
虎牙對立橫秋障  
螺黛初勻出曉鬟  
興懶自知閒處樂  
情濃始待倦時還  
乞身已老嗟何及  
荒廢樵蹤與釣灣

章全人

字勉成會稽諸生官建寧知縣

越風勉成年十三補弟子員有補童之日詩兼玉溪冒谷潦倒名揚中年入仕旋卽罷官作客依人每傷淪落

江南曲

柳堤綠重沙光暝  
霏州淡月籠江影  
美人夜半起南樓  
羅衣斜拂春雲冷  
白紵一聲歌不成  
龍頭船子蘭橈輕  
楚雲一疊

吳山遠江南江北離愁生

劉

蕭

字素山會稽人  
官華縣知縣

越風劉文遠於經學韻語亦工前  
輩稱詩總有鉅燬不同吳駕也

漳河懷古

古渡蒼茫落日遲魏家於此始開基  
鄴臺築後河流艷漢鼎分時火運移  
橫槩歌殘人漸老分香事遠塚堪疑  
銀鋸欲碎澄泥視片瓦千年臭尙遺

魯

士

字思亭會稽歲貢生  
官訓導著鏡湖集

江右舟中

急流如鼎沸緩流如鏡平孤舟一日中  
憂喜相間生幸有片帆風迅若飛鳥輕  
薄暮一翹首百摺晴山橫

孟

軒

字來山會稽人  
著待夢樓遺詩

兩浙輜軒錄

卷十四

吳振堯全人劉蕭魯士

青山道上大風雨

道出潯陽北蕭條驛路中雲催鴉背雨寒到馬頭風野渡橫  
江闊村燈隱樹紅一樽猶可醉慎勿歎途窮

韓

咸

字無我會稽人  
著青琳堂詩鈔

越風青琳以畫負重  
名詩亦有唐人風致

落花

畫橋流水太忽忽似繡園林翠障空柳下人家初過雨草間  
蝴蝶不禁風漁舟迷處沿溪暗蹋鞠歸來糝徑紅悵望飛瓊  
牽不住可堪斜月剩朦朧

魯國維

字公紀會稽監  
生著粵游草

桐江

水漲大江深孤舟傷客心潮聲轉天地山色變晴陰灘急寒

沙捲帆懸暮雨侵桐君聞采藥何處可追尋

魯傳德

字中立會稽監生

越風魯傳德以子遐齡癸卯成進士對文林郎

過錫門嶺

百粵封疆隔嶺分袖中攜得嶺頭雲風雷都向重巖起鐘磬  
何曾下界聞石室雨收龍見影香臺花繞鶴成羣勞生只合  
山間住空羨仙家十賚文

何文燭

字自銘號彝重蕭山人

晚飲後漫興

荒園堆瓦礫老樹絡藤蘿牆短看山近林疎受月多醉鄉無  
陷阱塵海隔風波此意同誰說青天自嘯歌

張統梁

字奕山蕭山人著碧漪齋集

兩浙輶軒錄

卷十四

江中草堂 卷十四 詩集

三

登岱

輦道天開十八盤千秋紆鬱拱長安雲飛吳觀輕陰散風遶秦松積翠寒自昔明堂誰建禮多年封禪罷登壇我來策蹇重懷古百道飛泉灑客冠

巖巖青帝鎮東方閭闔端開玉殿旁佳氣常蒸秦簡碧瑞霞猶映漢封黃遙看日月懸滄海自有星辰歷汶陽回首神仙何處是振衣高詠接蒼茫

徐之燉

字西來餘姚諸生著竹溪集

越風竹溪爲詩集一名宿生平好客有願阿瑛之風沒後家落詩亦散失孫說巖守貧力學登乾院辛酉賢書病中喜劉大戒謀同石庭過訪兼憶王七相起田十三

易堂

雁陣驚秋蚤俄看落葉踈病增賒藥券閒買灌園書良友勞

存問高僧慰紫居并思千里外誰爲寄雙魚

范

蘭字石書上虞歲貢生

胡如瀛傳畧曰石書博極羣書曲阜顏考功視學兩浙獨奇石書改鐫板行世與趙資言胡他山爲金石友詩中往往及之

湯太守祠

太守祠堂在上頭滄江碧海下交流身爲山嶽臨犀浦手定星辰歷蜃樓仕宦不輕州郡職封疆如爲子孫謀至今父老同黃鵠能化神功報未休

鄭維鳳

字元茂臨海人

岱嶽

泰岱千秋峙經過萬象尊夏雲歸日觀春殿敞天門二華誰爭長諸峯可似孫望溟還歎若稊米庶同論

兩浙輶軒錄

卷十四

張統梁徐之煊范蘭鄭維鳳

七



應振聲

字振農晚號超然子黃巖人著逍遙廬集

陳焯曰楓巖父豈石翁年五十九始舉君故君有老父明年周甲子小兒今日誕庚申之句嘗從柯怡園學喜為詩古文詞兼工篆刻所著逍遙廬集李閣學雲麓及淮南吳秋巖為之序應氏自散畦以下三世稱詩散畦紀事語特壯激豈石自作不如集陶之工

平泉廢幕歸途作

三至平泉事遠遊殘冬纔得掉歸舟霜楓落盡千崖淨河水枯餘一綫流皓月留人今夜盡青山送客幾時休前途積素疑堆雪滿樹梅花在隴頭

陳

槐字植三黃巖人

陳焯曰植三得詩法於其姻丈潘眉右應豈石又有葉右廷李清苑切磋之益故中年為詩卒以成家其詩與清苑台刻風格亦相似

春夜吟

春風作陣春兩浦海雲既散海月高宿鳥無聲人響寂丹根  
隱隱聞松濤空庭夜深湛如水獨抱幽懷其誰語

柳

鉦

字二式蘭溪諸生咸熙長子

樓上眉曰柳鉦年十歲應童子試郡縣咸擢第一遂名於庠在抱時聞部未孩朱公目之曰神童年十三而卒

### 過西楚霸王墓

拔山蓋世起江東號令侯王數戰功天下不降惟有魯九原  
何以慰重瞳

李方觀

字喟若一字季軒東陽歲貢生官蕭山訓導

朱文藻曰東陽李氏多能詩者若季軒而外方洪字兩錫方錫字錫儒方斐字文若方昂字佳如方蘇字爾瞻方聘字遠如方琦字伯賴方涵字元化方超字伯升方芬字爾芳方鬼字伯岳正乘字又枚正大字子成正右字有之僕字允章俊彥字周玉天申字周錫俊佳字四美秀耀字兆成方錦字仲木方性字爾生秀英字倍千

秀陽字伯翹秀挺字堅若竝有詩集樓上層所選金華詩續錄采其詩不盡所長茲不具錄附識姓名於此

竹墟巷

蓮邨只是森森竹人道此君能不俗  
篩金戛玉送秋聲浣盡黃埃此心獨  
巷口蘿青月又來于茅蓋屋巖扉開  
家家雞黍人桑落且共邨翁噉芋魁

包用光

字可林東陽諸生

樓上層曰包川光為諸生雍正庚戌聯編彭公視學金華延之幕中為其父志墓學精于易著爻象偶見燬于火

長壽令 括之官見招書以送之

幸有宗盟在郵書尋見招符分巴子國縣跨海棠橋地險田多瘠衢通俗易澆歸時風雨袖應勝珎金貂

酬楊日升

破壁殘書付祝融  
送窮設座轉延窮  
嗟跼鬢髮侵霜白  
憔悴頭皮得酒紅  
老與丹黃研學究  
痴隨聾啞作家翁  
日來潦倒憑君慰  
欲報新詩愧未工

黃一鳴

字夏方號竹  
窗永嘉諸生

春興

東風拂拂柳絲斜  
蜂隊參差放午衙  
遣興傾殘青竹葉  
賽春忙殺碧桃花  
牧童闌草忘收犢  
村女編歌待摘茶  
客裏光陰閒裏過  
晚晴又抹一天霞

王業

字肇禹號立堂遂昌優貢  
生東陽訓導升錢塘教諭

陳世修曰羣禹穎悟絕倫弱冠時貧困無聊以姑布子  
術遊於會稽繼復貿易第三衢間久之乃歸而肆力於學  
又善幾何法余嘗晤以第五世父宋齊公所著勾股引蒙  
過目卽通大義文以醇正自律詩其餘事  
戴瑋曰先君司驛東陽副者王立堂先生古心古貌好  
吟詩術術創赴部回任以早朝趵突泉詩示人在東二十

兩浙輟軒錄

卷十四

包用先黃鳴玉業

元

年升任錢塘省會奔走盡瘁卒官年逾八十後人即家杭州詢之遂昌人無有知者

### 初夏

薰風初拂到山家無事憑欄感物華  
新竹放梢猶戀穉孤松臨老亦開花  
殘痕綠剡秧針細一片黃翻麥浪斜  
最是平林添秀色雲峰却怪滿天涯

### 項樹業

字培西遂昌人

此君亭詩話項非喬棄儒學佛為仙巖天目和尚記室晚歸遂昌葬其先人寓居義塾不怠樓邑人士咸從之學詩如周應枚朱楷及對業皆其入室弟子非喬雖隱浮屠性嗜酒諸弟子日攜斗酒詣之促席合尊即拈一題為課試茶等作皆詩課也

### 試茶

活水試新茶臨風成獨醒  
視彼醉鄉人氣味居何等

### 華磬灘

字小宋一字柳園遂昌諸生

陳世修曰柳園鬱鬱不得志早卒詩學南宋間傷軀脫  
他如初夏云聽去鶯聲初覺老摘來梅子已微酸永康  
曉行云宿鶯迎人輕霜楓帶  
雨昏頗極自然無雕琢之迹

春雨東朱大會侯

蕭蕭疎雨散輕塵烟透黃昏柳色新社酒釀成還未熟杏花  
開後不多春環溪流水忙於我抱屋青山澹似人幸得知交  
相慰藉季真且自莫憐貧

梅占魁

字亦九號溪菴永嘉  
諸生著磨坊齋詩集

看灘園

莫道園林小時蔬儘自嘗邵平瓜有種諸葛菜分行便當栽  
花看何嫌抱甕忙只應如老圃世味淡中忘

吳

溶

字明宗號百峯歸安諸  
生斯洛弟著秋桐詩鈔

五老峯

商山皓稱四香山老數九簡史各垂名聲譽亦不朽不如此  
五老拱立青霄中昆明劫火有時盡五老色相無時窮雲蒸  
霞舉風蓬蓬御之可以昇蒼穹洪崖拍肩笑不止人世得失  
真雞蟲

徐志巖

字象求號抑齋德清副貢生元  
正子官北河同知著抑齋詩稿

謁張文獻祠

曲江風度遠流徽姚宋同心日竝暉金鑑果能陳黼座玉環  
何事繫羅衣貶官荆楚緣持正遣祭邱墳爲見機古廟肅瞻  
松柏下藹然遺像見依稀

紀遠

字無遠一字子深烏  
程諸生著風雨吟草

讀爾雅

六經有風詩爾雅乃繼作草木與蟲魚名物妙寄託造化在

華端舐精棄糟粕探幽更索渺不減莊注郭少年惜三餘此  
是醫俗藥所嫌邢氏疏冗末多可削

朱丕猷

字懋仲號菊隱秀水貢生彝尊從孫

洞庭湖櫂歌

鷗鵠生長在三湘青草湖潄清晝長不似衡陽峯頂雁年年  
飛去客他鄉

郎在關山妾在樓憶郎獨上洞庭舟郎情莫似湖頭水湘北  
湘南到處流

祝秉貞

字德園海寧貢生翼權子官宦不教論著今是堂詩草

江干早發

披星曉起出鄉關蝸角微名未許閒山遠雲屯纔露頂江寬  
舟轉不知灣風微茅店帘初定霜冷楓林葉始斑忽憶十年



前過此富春把酒看春山

林

鑛

字倚雲號東谿太平諸生著素暉齋雜咏

題廣文金先生書屋

鳴鶴山前雪色晴寒瓊一榻對孤城近溪新喜元亭就堆屋  
真看鄴架盈竹塢綠雲添畫意花窗紅雨潤琴聲談心時有  
名賢集不惜壺觴盡日傾

陳

紀

字國載號南山太平諸生著常畏齋稿

陳焯曰陳南山銳志讀書構一室鑿竇進食三年始出  
受知督學宋公合郡高第授其甲乙南山居首一時名  
士如臨海朱源許黃巖符勁  
天台張貞官皆自誦不及

甲午秋試憶呂元木宗弟紹斐

時俱下世

關山千里憶迢迢幾度槐黃兩見招班竹岡頭曾縱酒青楓  
嶺上其閒蕭壯年博議書空就良夜西堂夢轉遙獨我瞠然

雙鬢在秋風猶溯浙江潮

李鳳池

字聖衡東陽人

金華詩錄李鳳池爲振變子留心六書工篆隸有志于古未五十卒士論惜之

尋劉孝標讀書處

爲訪參軍到九龍紫微巖畔白雲封碑橫半落苔間字石亞  
低懸谷口鐘山雨下飛千嶂急林煙猶帶六朝濃我來不盡  
登臨意拂拂濤聲吼澗松

紫微巖有講堂洞爲梁時元靖先生講學之地何文定爲鐫山棲志

郭彥博

字南英一字東樵鄞人康熙戊子舉人官通城知縣

歸山

閱世炎涼遍歸山老薜蘿年高迎客少病起讀書多雨意添  
岑寂詩材費琢磨日斜欣就枕不問夜如何

朱承勲

字知微號亦中餘姚諸生著紫竹山房集十二卷

喜晴

曲江如練燕來遲  
偶訂僧談又負期  
小圃剛清鶯粟本  
明窗敲穩海棠詩  
水光漾日魚初躍  
花氣薰人蝶未知  
閒坐獨忻晴意好  
郊行數步更相宜

谷 漢

字岐翔餘姚人著紅遠樓集

客中春日二首

關山一夜旅魂驚  
曉起鶯聲到細櫺  
愁殺江南萬楊柳  
絲絲齊向小樓青

陳必昌

字武謬號樹思歸安監生著牛焦集

已丑紀事

廣德山中盜襲假虎劫人爲有力者所獲

虎皮人質古無聞  
此日乘機却作羣  
寄語村民休詫異  
冠裳

獸行懼紛紜

兩浙輶軒錄卷十四

兩浙輶軒錄

卷十四

陳省

三